

2022-mut Nunatta Karsiata naatsorsuutaasa akuerineqarnissaannik siunnersuut
(Aningaasaqarnermut Naligiissitaanermullu Naalackersuisoq)

Saqqummiussissut

(Aningaasaqarnermut Naligiissitaanermullu Naalackersuisoq)

Siullermeerneqarnera

Manna Naalackersuisut sinnerlugit ukioq aningaasanut inatsiseqarfiusoq 2022-mut Nunap Karsiata naatsorsuutai saqqummiutissavakka.

2022-mut naatsorsuutit Namminersorlutik Oqartussat avataani kukkunersiuisuinit nangaassuteqartinnagit akuerineqarput. Kukkunersiuisut erseqqissaatigissavaat ukiup siulia assingalugu suliaassarfiit ilaat suli aqunneqarnerat pitsaanerusinnaangaluartoq, tamannalu Naaackersuisut isumaqatigaat.

Nunatta Karsiata Naatsorsuutai 2021-mi ingerlatsinermi, sanaartornermi taarsigassarsititsinermilu angusat (IST) 123 mio. kr.-nik sinneqartoorfiupput ilassutitut aningaasaliissutit ilanngullugit 259 mio. kr.-nik amingartooruteqarfiussatut missingersuuteqaralaruni. Katillugit 382 mio. kr.-nik sinneqartooruteqarnissaat naatsorsuutigineqarpoq.

Ingerlatsinermi sanaartornermilu angusat kisiisa nalunaarsorneqarput IST-mi angusani naatsorsuutini 113 mio. kr.-nik sinneqartoorfiupput ilassutitut tapiissutit ilanngullugit 269 mio. kr.-nik amingartoorutaasussatut missingersuutaagaluartut. Katillugit 382 mio. kr.-nik sinneqartooruteqarnissaat naatsorsuutigineqarpoq.

Nunatta karsiata Isertitassatut aningaasaliissutininut naatsorsuutit aningaasanut inatsimmi kingusinnerusukkullu ilassutitut aningaasaliissutini naatsorsuutigineqartumit 353 mio. kr.-nik pitsaanerupput. Nikingassuteqarnermut annermik nuna tamakkerlugu akileraarut, nuna tamakkerlugu immikkut akileraarut toqqaannangitsumillu akileraarut naatsorsuutigisamit qaffasinnerunerat pingaarnertut pissutaapput.

Inatsisitigut pisussaaffiliisunut aningaaartuutit aningaasaliissutit aningaasanut inatsit kiisalu kingorna ilassutitut aningaasaliissutit 35 mio. kr.-nik imaluunniit 3,1 %-imik sipporneqarput. Ingerlatsinermi aningaasartuutininut atuinerunerit ataatsimoortut 2021-mi uterteqqusinernut ataneqartinneqarsinnaapput, taakku Namminersorlutik Oqartussanut kingusissukkut nassiunneqarput taamaalillutillu 2021-mi naatsorsuutininut ilaanatik.

Akerlianilli ingerlatsinermit aningaasaliissutinit tapiissutinullu aningaasaliissutit aningaasanut

inatsimmut naleqqiullugu atuinikiffiunerupput kingornalu ilassutitut aningaasaliissutit aamma eqqarsaatigalugit.

Sanaartornissamut aningaasaliissutinit atuineq aningaasaliissutit amerlaqatigiinnarpai.

2022-mut Nunatta Karsiata naatsorsuutaasa akuerineqarnissaannik siunnersuut Kukkuersiuiinermut Ataatsimiititaliami suliarineqartussanngorlugu innersuussutigineqassasoq siunnersuutigineqarpoq.

Kukkuersiuiinermut Ataatsimiititaliap naatsorsuutit saniatigut kukkuersiuisut oqaaseqaataat, avataanit kukkuersiuisut suliarisimasaat tigusuppai. Naalackersuisut ukiut siulii assingalugit kukkuersiuisut oqaaseqaataat pillugit ataatsimiititaliamit apeqqutit allakkatigut akissuteqarfigissavaat, taamaalilluni tamanna ataatsimiititaliap isumaliutissiissutissaanut ilaaniassammat.

Naalackersuisut Nunatta Karsiata 2022-mut naatsorsuutai pillugit Kukkuersiuiinermut Ataatsimiititaliamik pitsaasumik oqaloqateqartarnissartik neriutigaat ataatsimiititaliarlu sulilluarnissaannik kissaallugu.

Taamatut oqaaseqarlunga Naalackersuisut sinnerlugit Nunatta Karsiata 2022-mut naatsorsuutai Inatsisartunut suliassanngortippakka.